

Gregorian pozdravlja napredak u Brčkom



Supervizor za Distrikt Brčko i vršilac dužnosti visokog predstavnika Raffi Gregorian obavio je konsultacije sa svim vodećim političkim strankama u vezi sa nacrtom ustavnog amandmana koji se odnosi na Brčko. Raffi Gregorian vjeruje da bi ovaj tekst trebao biti prihvatljiv svima i da nudi rješenje za Brčko.

“Tekst sadrži sve potrebne tehničke formulacije i pojašnjenja, i kao rezultat toga, imamo nacrt koji je u skladu sa odlukama Arbitražnog tribunala i Ustavom, a Distriktu Brčko omogućava efikasan pristup Ustavnom sudu BiH”, dodao je Gregorian. “Drago mi je da je zabrinutost predsjednika Tribunala razriješena i da je Vlada Sjedinjenih Američkih Država podržala ovaj tekst”.

“Nadam se da će članovi Parlamentarne skupštine BiH uvažiti poziv Upravnog odbora Vijeća za implementaciju mira, iz novembra 2008. godine, za hitnim usvajanjem amandmana. Ovaj poziv je jednoglasno ponovilo i svih 31 vijećnik Skupštine Distrikta Brčko”, naveo je Gregorian.